



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Manuale Parochorum, De Plerisque Functionibus, &  
Obligationibus, ad Parochias, Parochos & Parochianos  
attinentibus**

**Engel, Ludwig**

**Salisburgi**

§. 7. De Dissolutione Matrimonij.

**urn:nbn:de:hbz:466:1-40922**

neantur. de Heret. c. decernimus. de sent. excomm.  
in 6 clem. un. de jure iur. Extrav. unam sanctam.  
de Major. Et obed. inter cons.

Dico 7. Qui vice versa ex loco non recepti  
Concilij veniunt ad locum, in quo receptum  
est, tenentur secundum formam Concilij con-  
trahere. Quidquid enim sit, an & quando pe-  
regrinus teneatur ad leges loci, per quem tran-  
sit, (quod de legibus juris communis proba-  
bilis affirmatur cum Nav. in man. c. 25. num.  
120, Laym. de LL. c. 12. n. 3.) recepta est do-  
ctrina, quod circa solennitatem contractuum  
teneatur. Sanch. d. disp. 18. n. 26.

§. VII.

De Dissolutione & Separatione  
Matrimonij.

S U M M A R I A.

1. Matrimonium aliud proprietale, aliud impro-  
priè seu attentatum.
2. Magis interdum congruum est, impedimentum  
quovis modo tollere, quam conjuges invitati  
ab invicem separare.
3. Qualiter matrimonium nullum ex defectu con-  
sensus in alterutro reconvalidari possit?
4. Qualiter matrimonium cessante impedimento  
dirimenter occulto reconvalidari debeat.
5. An ad reconvalidationem matrimonij debeant  
etiam repeti solemnitates?
6. An Parochus vel confessarius teneatur monere  
habentes impedimentum, si id ignorent.

D d 5

7. Matrī-

## 426 PARS III. CAPUT V. S. VII.

7. Matrimonium dupliciter dissolvi potest, vel quo  
ad vinculum, vel ad thorum.
8. Matrimonium ratum duobus tantum casibus:  
Consummatum verò nupquam, exceptā mor-  
te, quō ad vinculum dissolvi potest. (um,
9. Occurritur objectioni hereticorum contendenti-  
saltē ob adulterium matrimonium consum-  
matum etiam quō ad vinculum solubile esse,
10. Matrimonium consummatum 6. de causis  
quō ad thorum dissolvi potest.
11. Ex solo adulterio matrimonium consumma-  
tum quō ad thorum in perpetuum dissolvitur.
12. An sicut maritus uxorem, ita uxor maritum  
propter adulterium dimittere possit.
13. An etiam oscula, vel amplexus uxoris aut  
suspicio tantum adulterij divorcium causare  
possint.
14. Quales probationes requirantur, ut iudex di-  
vortij sententiam ex causa adulterij profere  
valeat?
15. Ob paritatem delicti denegatur, divorcium,  
etiam si pars innocens primum post latam  
sententiam adulterium committat.
16. Maritus uxori etiam indirecte tantum dans  
causam adulterij, divorcium petere non potest.
17. Bona fides, uti & violenta oppressio, vel etiam  
metus cadens in constantem mulierem exci-  
sat à divorcio.
18. Tollitur divorcium ex condonatione injuri,  
& quando haec condonatio fieri possit?

19. Si



19. Si conjux innocens nocenti injuriam condonet,  
tenetur nocens acceptare, & ad cohabitatio-
20. Cur heresit sit causa divortij? (nem redire.
21. An coniunx catholicus teneatur recipere ha-  
reticum post latam sententiam revertentem?
22. Marito etiam ob periculum peccati divortium  
fieri debet.
23. Demum ex saevitia conjugis recte dissolutio  
matrimonij petitur.

**M**atrimonium aliquando dissolvitur, quia  
invalidè contractum cum impedimen-  
to dirimente, quod quidem, non est propriè  
matrimonium, sed matrimonium attentatum:  
ali quando verò validè ab initio contractum ex  
causa superveniente.

#### De Separatione Matrimonij ob Nullitatem.

**M**atrimonium nulliter contractum propriè  
quidem & de jure matrimonium dici non  
potest; dicitur tamen matrimonium impro-  
priè seu de facto attentatum. Porro matrimo-  
nium tale attentatum ob quocunque impedi-  
mentum non aliter separandum est, quam ac-  
cedente auctoritate Judicis Ecclesiastici. Est  
autem hic advertendum, quod non semper in-  
vitis conjugibus matrimonium separandum  
sit, dummodò impedimentum vel causa nulli-  
tatis per dispensationem aut alium modum tol-  
li possit. Imò si vir tantum fuerit in mala fide,  
& fœminam ignaram impedimenti deceperit,  
videtur planè ex naturali æquitate ad tollen-

dnm

dum impedimentum & dispensationem impe-  
trandum cogi posse.

**2** *Queritur autem primò.* An si nullitatis cau-  
sa sit occulta, & uni tantum parti cognita, ali-  
quando convalidari possit matrimonium abs-  
que eo, ut alteri parti ignorantia id significetur,  
posset enim nonnunquam ex notificatione im-  
pedimenti oriri dissensio, perplexitas, infamia  
aut aliud scandalum.

**3** *Responsio affirmativa communiter est re-  
cepta.* Quò ad modum autem convalidandi  
distinguendum est, an matrimonium sit nul-  
lum ex defectu consensūs in alterutro, vel an  
ob aliud impedimentum dirimens occultum.  
Priori casu convalescat matrimonium, si ille,  
qui facte tantum consensit: neque enim ad  
matrimonium necessarius est consensus viri &  
fœminæ formaliter simultaneus, sed sufficit,  
quod is, qui priori tempore consensit, in sua vo-  
luntate perduret, usque dum etiam pars altera  
consentiat, alias matrimonium per procura-  
torem contrahi non posset, cùm principalis, qui  
procuratorem mittit, longo tempore prius con-  
sentiat, quam altera persona, ad quam procu-  
ratur mittitur. Volunt tamen Doctores, ut  
iste novus consensus non sit merè internus, sed  
per signum aliquod externum, veluti per ver-  
ba, quæ conjugalem affectum indicent, aut per  
copulam exprimantur, quia ad essentiam sa-  
cramenti requiritur signum visibile. Licet  
verò in tali casu jam prius adfuerit signum sci-  
licet

licet contra<sup>ctus</sup> extrinsecus matrimonij, & tan-  
tum defuerit consensus; reputatur tamen hoc  
signum insufficiens, quia tunc temporis, quan-  
do positum erat, fuit solummodo putativum  
& falsum.

Altero casu, si occultum impedimentum  
cessarit, v. g. in affinitate occulta dispensatio  
clam obtenta sit, uxor legitima, de qua nihil  
sciebatur, mortua &c. requiritur quidem no-  
vus utriusque consensus, quia prior propter  
tale impedimentum erat invalidus: interim  
tamen non est necesse, ut uxor v. g. ignara nul-  
litatis prius de ea certioretur, & ita novus ipsius  
consensus petatur, sed satis erit, si dissimulata  
nullitate interrogationi de praesenti facta con-  
sentiat, ut si maritus dicat, *si non essem mea uxor  
velles fieri? & de facto vis esse mea uxor* &c. qua  
de re videatur Sanchez. de matrimonio l. 2. d. 36.

Queritur II. An ad reconvalidationem ma-  
trimonij debeant reiterari solemnitates Conc.  
Trid. ut scilicet denuo interveniat Parochus  
cum testibus? R. esse distinguendum, an im-  
pedimentum ita occultum sit, ut probari ne-  
queat? vel utrum juridicè faltem per duos te-  
stes probari possit? priori casu sufficiet, quod  
solemnitates ab initio adhibitae sint, quia ea-  
rum effectus etiam imposterum censetur dura-  
re, hoc ipso, quod matrimonium tali casu ne-  
gari facile non possit, cum constet de contra<sup>ctu</sup>  
publico & non constet de impedimento. At in  
posteriori casu propterea solemnitates reiteran-  
dæ sunt,


dæ sunt, quia sine his subesset periculum, ne quandoque matrimonium negaretur, si nullitas in primo contractu propter impedimentum probari possit, & consensus novus ex defectu solemnitatum esset omnino occultus. Verum ne passim divulgetur, quod duo conjugati impedimento canonico laborent, notabilis est cautela, ut Parochus vel confessarius petens licentiam à Parocho in praesentia duorum testium, qui possunt esse de consanguineis aut alijs bonis amicis, pares coram se privatim conjungat.

**6** *Queritur III.* An si confessarius vel alius quisunque ex privata scientia advertat, conjugatos habere ignorantiam impedimenti, tenetur eis impedimentum & nullitatem matrimonij indicare?

Resp. non teneri, immo plerumque non esse consultum admonere conjuges in bona fide existentes, si tamen ista concurrant. 1. ut impedimentum sit occultum, & non sit scandolum apud alios homines. 2. ut ignorantia non sit mortaliter culpabilis, sicut ordinariè ignorantia juris excusat homines plebeos, feminas, milites & alios similes L. *cum de indebito.* §. 1. ff. *de probationibus.* & ignorantia facti excusat omnes. 3. ut paenitens nullum omnino dubium habeat de valore matrimonij, quia confessarius vel alius vir doctus interrogatus de valore matrimonij tenetur veritatem dicere, ne causam erroris prebeat. 4. ut prudenter

meatur,

meatur, ne ex admonitione timeantur dissensiones, infamiae, periculum incontinentiae, & alia scandala vel gravia incommoda. Ratio autem, cur istis concurrentibus recte omittitur admonitio, ista est, quia nemo obligatur ad alium inutilem & proximo nocivum; esset vero talis admonitio inutilis & nociva, tum propter incommoda subsequentia, tum quod conjuges prius in bona fide existentes, per usum matrimonij putativi non peccarint, jam autem post indicationem impedimenti periculo peccandi exponantur, ergo &c. Idque confirmatur ex c. quia circa, de consanguinitate & affinitate. & c. si quis autem, de penit. dist. 7. non obstat difficultis textus in c. 3. extra. de regulis iuris, ubi dicitur: quod utilius scandalum nasci permittatur, quam veritas relinquatur. Nam explicari potest de tali veritate, quae sine peccato taceri non potest, & ad quam manifestandum aliquis tenetur; ut si partes sint in mala fide, vel dubio aut culpabili ignorantia. Item Concionator aut Professor Publicus tenetur veritatem dicere, licet fructus alicujus privati non speretur, sed potius scandalum, quia talis doctrina ordinatur ad bonum publicum, ideo ob privatum alicujus malum non est intermitenda. Pluribus examinat hanc questionem Sanch. d. l. diffut. 38.



De

De Separatione matrimonij validè  
contracti.

7 Matrimonium validè contractum aliquando separatur vel quò ad *vinculum*, ita ut prorsus cesset esse matrimonium; vel tantùm quo ad *thorum & mutuam cohabitationem*, manente vinculo conjugii.

8 Quò ad *vinculum matrimonium ratum* duobus casibus dissolvitur, scilicet per ingressum in religionem, & dispensationem S. Pontificis; quia matrimonium ratum, cùm tantùm significet conjunctionem Christi cum anima fideli (quæ & magis intendi, & per peccatum tolli potest) non est indissolubile. At verò matrimonium consummatum, cùm significet indissolubilem conjunctionem Christi cum unica sponsa Ecclesia, nullo casu, exceptâ morte naturali, quo ad *vinculum dissolvi potest*; ita enim illam legem Hebræorum Dent. 24. c. ex qua licebat dare libellum repudij uxoribus, aperite & iteratò sustulit Christus Matth. c. 5. & c. 19. his verbis: *Moyses ad duritium cordis vestri intellige, ex dispensatione Dei) permisit vobis dimittere uxores vestras, ab initio autem non fuit sic. Dico autem vobis, quia quicunque dimiserit uxorem suam, nisi ob fornicationem & aliam duxerit, mœchatur.*

Sed Hæretici suo more semper proni ad carnis libertatem (quam prohibet Apostolus ad Galat. 6. ad Rom. 8. c.) † & Evangelij jugum excusantur.



executendum, ergo, inquiunt, saltem ob fornicationem uxoris solvetur matrimonium consummatum, eaque dimissa licebit aliam ducere. hunc errorem, quem plerique haeretici nostri temporis amplectuntur, anathemate damnavit Con. Tridentinum sess. 24. de Sacramento Matrimonij. Can 7. & pluribus demonstrat Bellarm. lib. 1. de matrim. c. 15. & seqq. etenim tex-  
tus allegatus in hunc modum interpretandus est, utilia exceptio de fornicatione uxoris referatur tantum ad verba *precedentia*, ut scilicet non li-  
ceat dimittere uxorem excepta causa fornicationis: non autem ad verba *subsequentia*, quasi insuper ob causam fornicationis aliam ducere liceat, si-  
cuit cum S. Thoma in q. p. dist. 35. q. unica  
communiter Scholastici explicant. Doctrinam  
autem haereticorum ineptam esse, I. probatur ex  
interprete Christi Paulo Apostolo, qui 1. ad  
Corinth. 7. inquit: *ipsi*, autem, qui matrimonio  
iuncti sunt, praeceptio non ego, sed Dominus, uxore  
a viro non discedere, quod si discesserit, manere in-  
nuptam, aut viro suo reconciliari. ubi in prioribus  
verbis: *praeceptio*, a viro non discedere, loquitur  
Apostolus de discessu injusto, in posterioribus  
autem de discessu justo, scilicet ob causam for-  
nicationis, quem discessum Christus dicto loco  
permisit. alias si etiam in posterioribus locutus  
fuisse Apostolus de discessu injusto, non potui-  
set dare optionem uxori, an vellet innupta ma-  
nere, aut viro reconciliari, sed simpliciter do-  
buisset jubere, ut ad vitum reverteretur, deinde

MAN. PAROCH.

Ec pro-



probatur ratione, quia si propter adulterium dis-  
solveretur conjugium, aperiretur janua infinitis  
repudijs, & conjunx volens esse liber tantum  
adulterium committeret, & ita ex suo delicto  
commodum reportaret, atque ad alias nuptias  
pro libitu transire valeret. Verum matrimonium  
*consummatum*, licet quoad vinculum dissolvi  
nequeat, quoad thorum tamen & mutuam  
cohabitationem 6. de causis dissolvitur. I. Pro-  
pter adulterium. II. Propter hæresin. III. Pro-  
pter incitationem ad peccatum. IV. Propter  
sævitium. V. Propter ingressum in Religio-  
nem mutuo consensu factum. Et VI. Propter  
morbum contagiosum.

Instant autem hoc loco iterum hæretici di-  
centes, si juxta nostram explicationem is fuit len-  
sus Christi, ut non liceat dimittere uxorem, ex-  
ceptâ causâ fornicationis, quomodo ergo hic  
ultra fornicationem plures separationis cau-  
se conceduntur? ¶ Nostram explicationem ul-  
terius declarandam esse in hunc modum, ut ei  
solo adulterio liceat dimittere uxorem in perpe-  
tuum, & etiam nolentem ac invitam: aliae ve-  
rò causæ hic enumeratae ex sua natura non sint  
perpetuae, vel certè non sint contra voluntatem  
alterius partis, sicut ingressus in Religionem  
mutuo consensu factus. Unde cessante hæresi  
periculo peccati, sævitia & morbo contagioso  
coabitatio separata rursus restaurari debet,  
non autem cessante adulterio, quia fides conjugalis  
semel violata semper manet violata, & san-  
cti Apo-

Si Apostolus 1. ad Corinth. 7. potuit concedere temporalem separationem conjugum ex consensu causâ orationis; potuerunt utique etiam Pontifices ex alijs justis causis, scilicet propter periculum corporis vel animæ talem separationem indulgere: etenim Pontifices tanquam Christi in terris Vicarij Apostolicâ autoritate perfruuntur, iisque non minùs quam Apostolis jus divinum interpretari ac declarare convenit.

## De Separatione propter Adulterium.

**Q**uartetur 1. Utrum non tantum maritus<sup>12</sup> uxorem, sed etiam vice versa uxor maritum propter adulterium dimittere possit? Affirmativa sententia communis & vera est. Ratio enim hujus divortij consistit in violatione fidei conjugalis, quae hanc dubiè non tantum per adulterium uxoris sed etiam mariti contingit, cùm conjuges non debeant ad imparia judicari. *e.gaudemus. de divortijs. c. ultimo. causa 32. q. 5. t. placuit. eadem causa. n. 7.*

Non obstat, quod Christus Dominus Matth. 5. & 19, tantum de dimissione uxoris meminavit, quia intelligitur locutus fuisse de eo, quod frequentius accidit, prout etiam in dicto cap. ult. ait Innocentius, quod virti frequentius soleant mulieres de adulterio accusare, quam econtra mulieres viros suos. Item dici potest, quod ibi Christus tantum de dimissione uxoris à Judæis interrogatus fuerit, & ideo juxta interrogata responderit.

13 *Queritur II.* An etiam propter oscula, vel amplexus uxoris aut suspicionem tantum adulterij possit cohabitatio dissolvi? Pro affirmativa facere videtur *lex consensu. 8. §. 3. de repudij*, ubi justa divortij causa esse dicitur, si mulier in vito marito aliena convivia appetat, aut extra domum pernoctet. Item textus *in lib. I. fendorum tit. 5.* ubi statuitur, quod vasallus feudum perdere debeat, non tantum, si cum uxore Domini adulterium commiserit, sed etiam, si committere attentaverit, vel cum eâ turpiter luserit. Negativa tamen sententia verior est; quidquid enim leges civiles statuerint & permiserint, ut ex alijs etiâ pluribus causis, quâni ex solo adulterio matrimonium quoad ipsum vinculum missilibello repudij dissolvi posset, prout constat ex toto tit. ff. & *Cod de divortijs & de repudij*. Ita tamen leges invalidæ reputantur, quia causa matrimonij secundum Canones & Evangelium tractanda est, ubi matrimonium consummatum quoad vinculum nunquam, quoad cohabitationem solum propter adulterium in perpetuum separari conceditur, ut superius diximus. Deinde si ab adulterio ad oscula &c. argumentri vellemus, esset argumentum à majori ad minorem, quod utique in pœnalis & odiosis extra calus in jure expressos locum non haber, cùm in pœnalis ex receptâ doctrinâ ne quidem à simili argumentum procedat. Unde etiam allegata constitutio feudalis ad causam matrimonialem tanquam multò graviorem & majoris præjudicij.

cij trahenda non est. Hoc tamen recte admittitur, quod nomine adulterij veniant etiam reliqui concubitus contra naturam, secundum ea, quæ prolixè tradit Sanchez de matrim. lib. 10. disp. 4.

*Queritur III. Qualiter constare debeat de adulterio, & quales probationes requirantur, ut Judex divortij sententiam proferre valeat?*

R. Cùm delicta carnis sint difficilis probatio-  
nis, non requiri testes de visu ipsius peccati de-  
ponentes, sed sufficere conjecturas & præsum-  
ptiones violentas, ex quibus si non *physica*, fal-  
tem *moralis* certitudo inducatur, ut scilicet qui-  
libet prudenter credere possit, adulterium com-  
missum esse. quales autem sint tales præsum-  
ptiones violentæ, traditur per textum & Docto-  
res in c. litteris. de *præsumpt.* & multis explicat Fa-  
tinacius in *praxi criminali*, de *delictis carnis*. &c  
Sanch. dict. lib. 10. disput. 12. desumuntur ve-  
rò ex circumstantia loci temporis & persona-  
rum, veluti si uxor alijs malè diffamata aut su-  
specta, sola cum solo, tempore & loco ad pec-  
candum apto deprehendatur, oscula etiam &  
tactus, quamvis ex se non constituant causam  
divortij, ut dictum, concurrentibus tamen alijs  
circumstantijs valde aggravant præsumptionem  
adulterij.

Est verò advertendum, quòd tales conjectu-  
ræ, ex quibus peccatum præsumitur, plenè pro-  
bandæ sint per testes aut confessionem propriam  
uxoris. proin non sufficiet, si e. g. solus mari-  
tus dicat: se actus suspectos uxoris vidisse, quia

in causa propria nemo testis idoneus reputatur, ex qua nimirum aliquod commodum sperat, sicut hic, ubi propter adulterium uxoris maritus non tantum à jugo matrimonij liberatur, sed in super uxoris dotem lucratur.

**15** *Queritur IV.* An sint aliqui casus, in quibus propter adulterium non conceditur divorcium? **16.** Varios casus enumerari, qui facilitis memoriae causâ ad 3. capita reduci possunt, **Primum** est: paritas vel causa delicti in altero coniuge. **Secundum:** excusatio delicti à culpa. **Tertium** conciliatio seu condonatio injuria.

*Ex primo capite* denegatur divorcium primum, si uterque conjunx commiserit adulterium, quia paria delicta mutuâ compensatione tolluntur, **c. ult. de adulterijs.** & **c. 3. de divorcijs.** idque probabilius extendunt Doctores. ut si e. g. maritus etiam post latam divorcij sententiam adulterium commiserit, adhuc ad recipiendam uxorem dimissam cogi possit, sicut enim uxor ex primo adulterio amisit jus quæsitum per contractum matrimonij, ita & multò magis maritus per subsequens adulterium amittet jus quæsumum per sententiam: est enim jus ex matrimonio quæsumum multò fortius, quam quæsumum ex sententia judicis, & cohabitatio matrimonialis favorabilior quam separatio. **Navarrus** **ii.** *de divorcijs, consilio I.*

**16** II Maritus divorcium petere non potest, si uxori causam adulterij dederit, ipsam prostituendo vel non prohibendo **cum** potuisset, aut dene-

denegando debitum conjugale, c. si tu abstines.  
causa. 37. n. 2.

Sed quid si uxor ob nimiam mariti sævitiam fugerit ex domo, & extra eam adulterium commiserit? non excusari uxorem à divortio, docet Sanch, dicto l. 10. disp. 5. n. 10. contra quosdam alios gravissimos Doctores, eò quod talis sævitia non sit directa adulterij causa. Argument. c. significasti, de divortijs.

Nihilominus si mulier necessitate compulsa fugerit ad tales locum ubi fuit periculo incontinentiae exposita, non video, quomodo tale adulterium marito imputari non possit, qui inhumaniter tractando conjugem, ei in effectu cohabitationem denegavit, & à loco periculo so revocare debuisset. Ad dictum c. significasti responderi potest, quod ibi mulier sine necessitate fuerit in loco periculo: vel quod intelligatur, quando vir non tenebatur reddere debitum proper adulterium præcedens, sicut ex casu illius Capituli intelligitur. Interim licet hoc casu denegetur divortium, aliâ ramen pœnâ adulterium uxoris rectè punietur.

*Ex secundo Capite cessat divortium II. Si con-*  
17
*junct probabiliter credens, alterum conjugem decessisse, vel matrimonium ex falsis probatio-*  
*nibus consanguinitatis vel alterius impedimenti separatum sit, alteri nubat, nisi tamen jam certiorata de vita prioris conjugis aut valore prioris matrimonij, persistenter in secundo conjugio debitum reddens ac petens: tunc enim jam*

verè rea adulterij censetur , ut rectè docet Ho-  
stiensis in summa tit. de divortijs. n. 8.

II. Si uxor per violentiam oppressa sit cui  
resistere non potuit , imò non improbabiliti  
tenet Sylv. verbo adulterium. n. 10. quod nō tan-  
tum violenta oppressio , sed etiam alius justus  
metus cadens in constantem mulierem excusat  
à divortio : licet enim metus non soleat in foro  
interno excusare à transgressione legis divinæ,  
præceptivæ , & ita à peccato , excusat tamen  
quò ad pœnas legales & ab injuria marito illata,  
arg. L. vim passa. Et L. si uxor. §. si quis. ff. ad  
*Legem Iuliam. de adulterijs.*

III. Si quis uxorem accesserit , simulans se  
esse maritum , cui uxor bona fide nihil mali co-  
gitans credidit. c. in leetum. causa 34. q. 2. nam  
sicut hoc casu bona fides tollit culpam adulterij,  
ita etiam pœnam divortij , ad probandam au-  
tem hanc conjugis bonam fidem sufficere ejus  
juramentum , habito respectu ad ejus honesta-  
tem & alias probabiles conjecturas , tradit Ho-  
stiensis dicto n. 8. casn. 3.

18 Ex tertio Capite tollitur divortium I. Si con-  
junx innocens expressis verbis injuriam & adul-  
terium alteri condonaverit , cùm quilibet pol-  
lit juri suo renuntiare. L. penult. Cod. de pacis.

II. Censetur tacita condonatio , si innocens  
concius adulterij cum altera parte nocente  
sponte matrimonio usus sit petendo aut redi-  
dendo debitum. Notanter autem dico , de-  
bere id factum fuisse scienter & sponte : unde ex

sola adulterij suspicione sine apertis indicijs per usum matrimonij sibi non præjudicat innoens. Item si lite pendente super adulterio Judex jubeat uxorem reddere debitum marito accusato, ne pendente lite commodo possessionis privetur, *juxta c. 2. lute pendente nil innoventur.* vel si matitus gravi meru uxorem ad usum matrimonij cogat, nullum inde exurget divorcio præjudicium.

III. Censetur facta reconciliatio & condonatio injuriæ, si innocens scienter & sponte nulla necessitate etiam honestatis compulsus, familiarem se exhibeat conjugi adulteranti cum ludendo, ridendo, comedendo, & multo magis amplexus & oscula dando: nam per tales actus aboleri injuriam, docent Glossa & Doctores communiter in §. finali instit. de injurijs. videatur Sanchez dicto lib. 10. disp. 14.

*Queritur V.* An si conjunx innocens velit ultrò reconciliari nocenti, teneatur nocens acceptare & ad cohabitationem redire? Ratio dubitandi est, quod innocens dimittendo adulterum dimiserit jus suum, quod in ipsum habuit: remittentibus autem jura sua non sit dandus regressus. *L. queritur 14. §. si venditor. ff. de edicto.* Affirmativa tamen sententia verior est, quia divorcium ex causa adulterij solùm in gratiam innocentis concessum est, ergo non debet in ejus odium & incommodum retorqueri. *ed quod ob gratiam, de regulis juris in §. & sententia*

Ee 5

non

non debet prodicere reo; contra quem lata est  
L. evidenter, 16. ff. de exceptione rei judicata.

Ad rationem dubitandi R. Quod per actionem & sententiam divortij innocens non remittat suum jus, sed potius adulteri jure suo, quod prius in innocentem ex matrimonio habuit; volente conuge innocentem privetur. Unde ulterioris infertur, quod adulteri non possit ad Religionem transire invito conuge innocentem, nisi is monitus adulterum resipisceret & penitentem nolit recipere. per textum & interpres in c. gaudemus. de conversione conjugatorum.

De Separatione Matrimonij propter haeresin, periculum peccati, saevitiae & morbum.

<sup>20</sup> **H**æresim esse causam divortii, inter omnes convenit, in ratione autem assignanda discrepant. Quidam putant, hoc proterea statutum, quod hæresis sit spirituale adulterium. In qua sententia videtur fuisse Aug. in c. idolatria causa 28. q. 1. Alij existimant, hæresin esse contra bonum protis, eò quod proles in vero Dei cultu non educetur. Alij ob periculum animarum factum asserunt, ne hæreticus Catholicum pervertat. Alij demum in pœnam hæresis ab Ecclesia statutum sentiunt, quæ omnes rationes satis congrue & probabiliter assignari possunt.

Cæterum hanc separationem propter hæresim, si fiat ante Judicis sententiam, qua con-

jugem hæreticum declareret, non esse perpetuam,

(16)

sed eò usque durare, donec hæreticus ad Eidem  
 revertatur, omnes etiam facile admittunt. *Fux-*  
*no. 6. de devortijs.* ¶ Verùm non levis est con- 21  
 troversia, an si hæreticus post sententiam latam  
 revertatur, recipiendus sit ab altera parte ca-  
 tholica! Negativam probabiliorem credit San-  
 chez lib. 10. disp. 15. n. 19. propter textum in-  
 dicto c. 6. de divortijs. Qui satis apertè pro hac  
 sententia loquitur, & confirmatur ex c. ult. de  
 hæreticis in 6. Ubi in pñnam hæresis omnes, qui  
 aliqua obligatione hæretico adstricti fuerunt,  
 absolvuntur. Hanc sententiam quamvis ipse  
 putem, de rigore juris valde probabilem, at-  
 tamen de æquitate illam censeo præferendam,  
 quæ distinguit: An conjunx catholicus velit ad  
 religionem transire, aut in sèculo remanere,  
 ut priori casu ex speciali privilegio Religionis  
 non teneatur recipere conjugem ab hæresi re-  
 versum, sicut decisum est in c. ult. de conver-  
 sione conjugatorum. Posteriori autem casu re-  
 cipere omnino teneatur, tum quod causa per-  
 petui divortij solum adulterium carnale à Chri-  
 sto assignatum sit. Tum quod separatio ma-  
 trimonijs propter periculum incontinentiæ &  
 alia scandala ac damna non sit facile conceden-  
 da, præsertim, si uterque in sèculo vivere velit.  
 Tum denique, quod id satis colligatur ex c.  
 quanto, in fine. de divortijs. Ad contraria 8.  
 & imprimis ad c. ult. de hæreticis in 6. quod id  
 tanquam pñnale non sit extendendum ad obliga-  
 tionem matrimonialem, quæ est ex jure divino.

a. quod

444 PARS III. CAPUT V. §. VII.

2. quod c. 6. de divortijs sit explicandum juxta dictum c. 4. de conversione conjug. atque hanc sententiam communem & probabilem agnoscit ipse Sanchez dicto loco n. 18. Barbosa in dicto c. 6. n. 5.

22. *Ob periculum peccati* meritò etiam separatur matrimonium: Si enim hoc licet propter morbum contagiosum, scilicet lepram, aut similem, & ita ob periculum corporis, multò magis ob periculum animæ. Censetur autem tale periculum, si E. g. maritus velit uxorem prostituere, & lenocinium exercere, si homines impudicos in domum introducat, si ex usura & furtis velit uxorem alere, si ad patranda vel tegenda homicidia adhibere, &c. Propter alia autem delicta conjugis, quæ in periculum animæ vel corporis alterius conjugis non redundant, divortium minimè concedi notant. Doctores comuniter per textum in c. 2. de divortijs.

23. *Ex saevitia seu crudelitate* conjugis ideo recte petitur divortium, quia nimis durum esset, obligationem matrimonij ad magnum corporis periculum extendere. Nec verisimile quod contrahentes cum tanto suo damno sead cohabitationem obligare voluerit. Porro quanta saevitia conjugis esse debeat, ut alteri divertere liceat, Doctores non usque adeò conveniunt: Sunt enim, qui putent, tantum ob vitæ periculum divortium concedi, cum Barbosa ad Rubric. ff. soluto matrimonio parte 2. n. 31. verum communius receptum, etiam ob atrocia verbena

non  
pro  
iudi  
cun  
hoc  
tribu  
pote  
exe  
in c.  
verb  
præ  
calor  
peri  
in ca  
esse  
auth  
disi à  
præs  
tur,  
imm  
aut si  
habet  
prop  
deres  
est ill  
mana  
saevi  
bere  
accep  
G cle  
furor



non tantum actu illata, sed & quæ inferenda  
probabiliter timentur rectè posse separationem  
iudgeri, quia ratio superius allata non hic lo-  
cuni habet. & facit *lex consensu*. *Cod. de repudijs.*  
hoc tamen intelligi non debet de levibus verbe-  
ribus (habet enim maritus ex rationabili causa  
potestatem moderate & leviter, non verò nimis  
excessivè castigandi uxorem, sicut docet Abbas  
*in c. quemadmodum. de jurejurando. & Sylvester*  
*verbo. xxv. n. 3.*) neque de verberibus jam  
præteritis, quæ forsan ex aliquo extraordinario  
calore illata sunt, si imposterum non sit magnum  
periculum ea amplius inferendi. Cæteram cùm  
in casu sævitiae plerumque periculum in mora  
esse soleat, non vitio vertitur conjugi, si propria  
authoritatè à sæviente recedat, nec restituitur,  
nisi à sæviente idonea cautio de non offendendo  
præstetur. Hæc cautio, quæ generaliter exigi-  
tur, quoties probabile periculum offendit  
imminet, præstanta est regulariter per pignora  
aut fidejussores, ut mulier in eventum læsionis  
habeat, unde satisfactionem etiam pecuniariam  
propter injuriam exigere possit, quia *in c. litteras.*  
*de restit. spoliat.* requiritur sufficiens cautio, qualis  
est illa, quæ fit per pignora aut fidejussores. *L. f.*  
*mandato. 59. §. ult. ff. mandati.* quod si conjunx  
sæviens ob inopiam pignora aut fidejussores ha-  
bere nequeat, ejus juramentum pro cautione  
aceperabitur. *anth. generaliter. Cod. de Episcopis*  
*& Clericis.* Si verò sævitia conjugis cum tanto  
furore intentetur, ut alteri non possit sufficienter

cau-



cautum esse, aut fortassis maritus patrum sit Religiosus, qui juramentum non multum timeat, cohabitatio uxori injungi non debebit, *dicit c. litteras. in fine.* Demum hoc divortium, sicut ailia, excepto eo, quod fit ob adulterium, temporale est, usque dum scilicet conjunx mitescat, & ad saniores mentem redeat. unde in praxi usitatum est, ut judex Ecclesiasticus non proferat absolutam divortij sententiam, sed tantum ad duos vel tres annos concedat tolerantiam, ut vocant, ut tantisper probetur resipiscencia levantis.

*De ingressu in Religionem* videantur text. & Interpp. ad tit. de Convers. conjug. & quæ tradidi, de Privil. Monast. Privil. 33.

24 *Morbus contagiosus* scil. lepra, morbus gallicus &c. ex magis communid. sententia etiam est causa separationis quoad cohabitationem, si iudicio Medicorum probabile corporis periculum alteri coniugi immineat, quia naturalis æquitas dictat ne matrimonii obligatio eo usque extendatur contra verisimilem intentionem contrahentium. videtur quidem adversari difficultis text. in c. 2. de conjug. lepros. ubi Pontif. Si virum, inquit, sive uxorem leprorum fieri contigerit, & infirmus à sano carnale debitum exigit generali precepto Apostoli, quod exigitur, est solendum, cuius precepti nulla in hoc casu exceptio invinitur. Verum ut interpretatione legum & Canonum æquitas rigori præferatur. *L. placit. C. de Iudic.* potest hic textus intelligi, *tum Bart.*

in d. cap. 2. quando iudicio Medicorum non est  
valde notabile periculum, sicut ordinariè in fæ-  
mina admittente virum morbosum contingere  
aiunt, vel de casu, quo morbus ante matrimonio-  
num non fuit ignoratus, & proinde eo non ob-  
stante conjuges se ad cohabitationem obligasse  
censeri possunt, nam leprosis non est interdictum  
matrimonium contrahere; & licet nemo sit  
dominus membrorum suorum, *L. über homo. ff.*  
*ad Leg. Aquil.* idéoque ad actualem membra  
missionem se nequeat obligare, ad periculum  
tamen corporale se obligare quandoque non est  
prohibitum, ut in militibus, nautis, aliisque si-  
milibus quotidianum est.

## §. VIII.

De Judicio causarum matri-  
monialium.

## SUMM A R I A.

1. Omnes causæ matrimoniales coram solo Judge Ecclesiastico tractari debent.
2. Causæ matrimoniales de jure tantum ad Episcopos, eorumque Vicarios perinente.
3. Conjunx propriâ autoritate compartem dimittens, tenetur iterum recipere, non obstante quocunque impedimento.
4. An post receptionem, non obstante impedimento, licitus sit conjugij usus.
5. Non tantum conjuges, sed quicunque notitiam impedimenti habentes matrimonium accesa posse.

6. CORP.

